



PROJEKAT „LOKALNE RAZVOJNE STRATEGIJE – EU4BUSINESS“

Javni poziv za dostavljanje prijedloga investicionih projekata za unapređenje prerađivačkih kapaciteta i marketinga poljoprivredno-prehrambenih proizvoda

Odgovori na postavljena pitanja u vezi javnog poziva koja su pristigla u periodu od 29. jula do 7. avgusta 2019. godine na email adresu registry.ba@undp.org.

Redni broj	Pitanje	Odgovor
1	<p>Mi smo firma XXX (ime poznato UNDP-u) koja se bavi proizvodnjom organskog tečnog gnojiva. Sav repromaterijal koji koristimo u proizvodnji gnojiva nabavljamo u BiH, cjelokupna proizvodnja je u BiH. Registrovani smo, sa dužim periodom poslovanja. Imamo 6 zaposlenih.</p> <p>Da li mi kao ovakva firma možemo da se prijavimo na javni poziv EU4Business?</p>	<p>Investicije u proizvodnji organskog ili mineralnog tečnog odnosno granulisanog đubriva su neprihvatljive po ovom javnom pozivu. Mjera podrške investicijama se odnosi isključivo u prerađivačke kapacitete i marketing poljoprivredno-prehrambenih proizvoda.</p>
2	<p>Uputio bih vam jedan prijedlog da u vašim projektima uvrstite, ako je moguće i granu ribarstva, jer ima ogroman broj ribnjaka ali je grana posrnula i došla do gašenja. Stoga vas molim da li imate neku vrstu projekta da i mi možemo aplicirati odnosno prijedlog sa naše strane da uvrstite granu ribarstva u neki naredni projekat.</p>	<p>Pod-sektor ribarstva nije prihvatljiv za finansiranje putem ovog javnog poziva.</p>
3	<p>Da li su ovim projektom obuhvaćeni i pčelari početnici?</p>	<p>Sektor pčelarstva nije prihvatljiv sektor za finansiranje putem ovog javnog poziva.</p>

4	<p>Čitajući Smjernice za projekat: "Konkurentnost i inovacije: Lokalne razvojne strategije - EU4Business" pronašao sam rečenicu: "Bespovratna sredstva po jednoj prijavi mogu iznositi od 145,000 KM do 290,000 KM (bez PDV-a)".</p> <p>Da li to znači da npr. farmer koji ima registrovan obrt, farmu sa 15 muznih grla i želi da investira u nabavku opreme za primarnu proizvodnju mlijeka, cjevovodi, laktofrizi i slična oprema u vrijednosti do 30,000 ili 40,000 KM automatski otpada i ne može se prijaviti na ovaj javni poziv?</p>	<p>Ovaj javni poziv se odnosi isključivo na investicije u prerađivačke kapacitete i marketing za projekte minimalnog iznosa od 145,000 KM. Predloženi projekat ne ispunjava opće zahtjeve ovog javnog poziva.</p>
5	<p>Javljam vam se u vezi pitanja za učešće u EU4Business projektu. Naime, mi smo obrtnička djelatnost XXX (ime poznato UNDP-u) iz Sarajeva. Oformljeni smo u januaru ove godine, i bavimo se mješovitom poljoprivrednom proizvodnjom sa akcentom na cjelogodišnji uzgoj svježeg začinskog bilja u saksijama pod vještačkim osvjetljenje (LED lampe).</p> <p>Obzirom na to da smo tek formirana obrtnička djelatnost i da nemamo niti možemo da učestvujemo sa 50% od ukupne količine odobrenih sredstava po aplikantu (kako je naznačeno u opisu projekta), zanima nas da li bi i da li spadamo u grupu obrtnika koji bi mogli aplicirati na dati projekta?</p>	<p>Primarna proizvodnja kao ni proizvodnja začinskog bilja nisu prihvatljive oblasti za finansiranje putem ovog javnog poziva.</p>
6	<p>Imam pitanje za ova sredstva. Je li se javni poziv odnosi samo za velike projekte ili mogu i manji iznosi od navedenih?</p>	<p>Minimalni iznos za finansiranje kroz projekat EU4Business iznosi 145,000 KM. Prijave koje se budu odnosile na iznose ispod minimalnog iznosa se neće uzimati u obzir.</p>
7	<p>XXX (ime poznato UNDP-u) i javljam se iz Ključa. Bavim se plasteničkom proizvodnjom. Želimo učestvovati u Vašem projektu sufinansiranja.</p>	<p>Vaša investicija se odnosi na primarnu proizvodnju koja nije prihvatljiva za finansiranje putem ovog javnog poziva.</p>
8	<p>Naša farma XXX (ime poznato UNDP-u) bavi se uzgojem muznih magarica i trenutno imamo ukupno 72 grla računajući pastuhe i ždrebac. Zanima nas da li možemo učestvovati u javnom pozivu EU4Business projekta u pod-sektoru mljekarstvo? Proizvodnja magarećeg mlijeka se uvećava, te želimo da uvedemo nove proizvode.</p>	<p>Ukoliko će se projekat odnositi na preradu mlijeka, onda se možete prijaviti. Primarna proizvodnja mlijeka nije prihvatljiva za finansiranje putem ovog javnog poziva.</p>

<p>9</p>	<p>Zovem se XXX (ime poznato UNDP-u) i pročitao sam oglas na stranici Općine Tešanj o "EU4Business – Javni poziv potencijalnim korisnicima bespovratnih sredstava za mjeru podrške investicijama u prerađivačke kapacitete i marketing poljoprivredno-prehrambenih proizvoda".</p> <p>Interesuje me da li se ovo može odnositi na uzgoj jagoda, grožđa ili nekog drugog povrća/voća u plastenicima/staklenicima? Da li moram imati prijavljenu firmu prije prijave na ovaj konkurs? Koliko mora biti moj ulog pri pokretanju ovog posla? Do kada traje ovaj konkurs? I da li ima minimum radnika koje trebam zaposliti?</p>	<p>Ovaj javni poziv se isključivo odnosi na mjeru podrške investicijama u prerađivačke kapacitete i marketing poljoprivredno-prehrambenih proizvoda. Vaš projekat pripada primarnoj proizvodnji te nije prihvatljiv za finansiranje putem ovog javnog poziva. Fizička lica ne mogu podnijeti prijavu na ovaj javni poziv. Samo obrti/preduzetnici, zadruge i preduzeća mogu podnijeti prijave.</p>
<p>10</p>	<p>Obraćam Vam se u ime XXX (ime poznato UNDP-u) u vezi ovog javnog poziva od 29.07.2019. Mi se bavimo proizvodnjom piva - zanatska pivara. Od marta ostvarujemo i izvoz u Švajcarsku. Za proširenje izvoza, u čemu vidimo najveću šansu za nas, neophodno nam je proširenje kapaciteta i nabavka dodatne opreme za poboljšanje proizvodnog procesa a time i finalnog proizvoda. U javnom pozivu su striktno naglašene određene oblasti iz kojih aplikanti mogu dolaziti, među njima i vinarstvo. Postoji li ikakva šansa za nas da apliciramo za nabavku opreme za proizvodnju piva?</p>	<p>Proizvodnja piva i ostalih alkoholnih pića, osim prerade grožđa u vino je neprihvatljiva investicija po ovom javnom pozivu.</p>
<p>11</p>	<p>Vezano za natječaj EU4Business – Javni poziv potencijalnim korisnicima bespovratnih sredstava za mjeru podrške investicijama u prerađivačke kapacitete i marketing poljoprivredno-prehrambenih proizvoda, molimo Vas informaciju gdje na web-u možemo vidjeti pitanja i odgovore.</p>	<p>Sve informacije vezane za javni poziv, uključujući i odgovore, su dostupne na web stranici UNDP http://www.ba.undp.org/ i na stranici projekta https://eu4business.ba.</p>
<p>12</p>	<p>Da li u pod sektor prerade mesa, spada i proizvodnja ribe? S obzirom da smo mi riblja farma koja se bavi proizvodnjom ribe i radimo filete što bi moglo uključiti preradu, pa me zanima da li možemo mi aplicirati na ovaj poziv?</p>	<p>Pod sektor ribarstva odnosno proizvodnja i prerada ribe nije prihvatljiv pod-sektor prerade za finansiranje putem ovog javnog poziva.</p>

<p>13</p>	<p>Ja sam XXX (ime poznato UNDP-u), diplomirani inženjer prehrambene tehnologije, i radim u firmi XXX (ime poznato UNDP-u), kao koordinator za razvoj. Firma se bavi proizvodnjom i preradom prehrambenih proizvoda, u prvom redu snack proizvoda (čips, flips, kikiriki) te čokoladiranih draže proizvoda. Posjedujemo 3 ISO standarda, za kvalitet, bezbjednost hrane i zaštitu okoline. Imamo u planu izgradnju novog proizvodnog objekta gdje bi implementirali standarde IFS i BRC koji bi nam omogućili izvoz naših proizvoda na prostor Evropske unije, povećao konkurentnost na domaćem tržištu i povećao broj zaposlenih u firmi. Da li mi sad u sklopu Javnog poziva koji ste objavili (29.07.2019.) i koji je u toku a koji je u vezi investicija u preradu i marketing, možemo predati naš projekat prema vašim smjernicama i konkurisati za grant sredstva</p>	<p>Javnim pozivom su definisani pod-sektori za preradu (voće, povrće, mlijeko, meso, prerada maslina i grožđa) tako da investicije u preradu navedenih pod-sektora su prihvatljive. Na primjer prerada krompira u čips je prihvatljiva, dok prerada žitarica i proizvoda od žitarica je neprihvatljiva. U zavisnosti od toga na šta se konkretno Vaš projekat odnosi, možete razmotriti prijavu na ovaj javni poziv.</p>
<p>14</p>	<p>Molio bih za malo pojašnjene, a vezano za minimalni iznos bespovratnih sredstava po jednoj prijavi. U javnom pozivu za dodjelu bespovratnih sredstava u tački 2.6.2 Visina pojedinačnih iznosa za finansiranje i udio sufinansiranja korisnika stoji da bespovratna sredstva po jednoj prijavi mogu iznositi od 145,000 KM do 290,000 KM (bez PDV). Da li to znači da se projekti koji imaju manji iznos od 145,000 KM ne mogu prijaviti, tj. neće biti razmatrani.</p>	<p>Minimalni iznos podrške po jednoj prijavi iznosi 145,000 KM iznosa cijelog projekta, što znači da minimalni iznos projekta ne može biti manji od 290,000 KM. Projekti koji budu manji od ovog iznosa neće biti uzeti u razmatranje.</p>
<p>15</p>	<p>Imam farmu za tov pilića kapaciteta cca. 55000 po turnusu. Interesuje me da li mogu aplicirati na ovaj javni poziv u svrhu širenja proizvodnje ili pokretanja neke nove proizvodnje kao što je tov junadi.</p>	<p>Vaša investicija se odnosi na primarnu poljoprivrednu proizvodnju, te kao takva nije prihvatljiva za finansiranje putem ovog javnog poziva.</p>